

# Профсоюзин комитетсин кӧдлмшӑс

«Калмыкстрой» трестин профсоюзин организацисин тооцана болн шин бӑрни комитетс, профорге суныгылгына хургуд болад тӧгедж йовна.

Ноябрь сарин 12-д тосхлтин 1-ч номертӑ управленд тооцана хург болв. Хург деер кӧдлмшч комитетин ахлӑч ӱр Д. С. Черемных тооцагъан ӧгв. Тосхлтин управленд 10 сарин зурагъан 80,6 процент кӱргдж кӱцӑдж. Профсоюзин организац кех кӧдлмшиннь зурагъан кехлӑрн, тосхлтин управлендӑ болн партийн организацла, зӧвшлӑд, ницнӑгъӱ зура батлад, тосхлтин кӧдлмш ӧдӑн гаргъх чинртӑ тӧрмӱд тӑвдж кӧдлджӑнӑ. Управленд ут-турштан профсоюзин 166 чледӱд бӑӑнӑ; тедн дотрас шинӑс орснь — 35 кӱн. Ӑдгӑ цагт олн кӱч-кӧлсчнр профсоюзин чинриг кергддж медӑд уга, тер учр деерӑс профсоюзд ода кӱртл орад уга.

Олн райодар тосхлтин управлендӑ участкас бӑӑнӑ, тер учрар кӧдлмш кехд йир кӱчр, ягъад гихлӑ мана авх

материал Дивнӑ станцар дамдждж ирнӑ. Трестин постройком райодар бӑӑсн участкудур нег дакдж чигн ирӑд уга, тиген учрар кӧдлмшӑн ягъдж яеруддж болхин тускар кӱн сурсн уга. Тосхлтин бӑӑрн комитетс эврӑ члединнь зовльн-джиргъл хӑлӑж, гемтӑ-шалтгтаднь тӱрӱ-зӱдӱднь мӧнӑгнӑ дӧнӑ ӧгсн уга. 1959 джил 39 кӱн эврӑ бийлӑн гер бӑрхӑр ссудин мӧнӑг авч, тедн дотрас 23 ӧрк-бӱл эврӑ гертӑн ӧдгӑ цагт бӑӑнӑ, 16 ӧрк-бӱл ода бийнь герӑн бӑрдж дуусад уга. Гер бӑрх модар болв чигн, нань чигн материалмудар застройщик улс бӑрмтг уга. Таньгъчин профсоветин церглӑчнр ирӑд, хӑлӑгъӑд, хаджӱринь чиклӑд бӑӑсн болхла, ним йовдл гарх уга билӑ. Кӧдлмшт дугу-дунднь дала. Социалистическ дӧрлдӑ кӱч-кӧлсчнр хоорнд делгрӱлгънд шунмгъагъар орлцсн уга, тер учрар 10 сарин зура кӱцӑгдсн уга. Социалистическ дӧрлдӑ кедг болв чигн, терӱгӑн ягъдж кеджӑхинь бӱртк-

дг уга бӑӑдж. Кӱч-кӧлснӑ зӱткӑтӑ тӧрин комисс болн нань чигн комисс-мӱд кӧдлмш кесн уга. Тосхлтин управленд ода бийнь, кӧдлмшч улс бӑӑх гер уга бӑӑнӑ, тер учрар тосхлтин кӱч-кӧлсчнр нег ормдан бӑӑршц хӑхш.

Хург деер босдж келсн профсоюзин чледӱд дугу-дунд йовдл ягъдж чиклхин тускар келцхӑв. Кӧдлмшч комитетд социалистическ дӧрлдӑ делгрӱлгъинг ӧурдӑлгънд болн гардлгънд шунмгъагъар орлцх профсоюзин чледиг цугтагъинь доланджилн зура болзгаснь урд кӱцӑлгънӑ ноолданд ӧргӑр орлцуудж, тосхлтин кӧдлмшиг чаньгъах, ӑмт тетк-лгънӑ учрежденьсин кӧдлмшиг яср улх даалгъвр ӧггдв.

Партин XXI хургин тууджлгч шидврмӱдӑр омг авч, ВЦСПС-н XII хургин тогтаврар гардвр авч, КПСС-н ЦК-н Пленум уктдж, ӱзмджтӑгъӑр кӧдлдж, джил чилтл джилӑ зурагъан кӱцӑх гидж келцхӑв.

**С. ШАРМАНДИЕВ.**